

Museo Arqueologico trahando riba herencia sub acuatico



ORANJESTAD - E siman aki Minister di Cultura a tene un reunion cu Departamento Cientifico di Museo Arqueologico Nacional Aruba (MANA) tocante e topico di herencia sub acuatico (marino). Drs. Raymundo Dijkhoff a duna un presentacion como intro den e topico aki, sigui pa un discusion fructifero entre Minister Winklaar cu henter e Departamento Cientifico di

Museo tocante e importancia y urgencia di proteccion di nos herencia sub acuatico. MANA a invita Minister na e ocasion di e conferencia regional recientemente organisa pa UNESCO: “Desafíos Técnicos y Legales de la Arqueología Sub-acuática en México, América Central y el Caribe” na unda drs. Dijkhoff tambe a tene un presentacion mustrandó e situacion na Aru-

ba pa locual ta trata estudio, documentacion y proteccion di nos herencia sub acuatico. E topico aki ta uno riba cual museo ta enfoca mas y mas e ultimo añanan y ta un area di nos herencia cu mas atencion y cuidó mester actualmente. Minister Winklaar a scucha e preocupacionnan cu tanto e arkeologonan como e arkeologo asistentenan a vocifera tocante e necesidad pa proteccion di nos herencia cultural sub acuatico y a mustra su sosten y apoyo door di trece e idea pa crea un comision den cual diferente stakeholders por traha hunto y estrecho riba e topico importante y delicado aki. UNESCO a traha un documentario cortico tocante e topico aki. Tur interesado por baha esaki for di e website di UNESCO via e link: www.unesco.org/culture/en/underwater y click riba Film EN pa Ingles of SP pa Spaño. □

